

2022 ԹՎԱԿԱՆԻ ԸՆԹԱՑՔՈՒՄ ԻՐԱՎԱԽԱԽՏՈՒՄ ԿԱՏԱՐԱԾ ԱՆՁԱՆՑ  
ԳԵՂԱԳԻՏԱԿԱՆ ԴԱՍՏԻԱՐԱԿՈՒԹՅԱՆ ԵՎ ԿՐԹՈՒԹՅԱՆ ՈՒՍՈՒՄՆԱԿԱՆ  
ԾՐԱԳՐԻ ԻՐԱԿԱՆԱՑՄԱՆ ՀԱՄԱՐ «ԻՐԱՎԱԿԱՆ ԿՐԹՈՒԹՅԱՆ ԵՎ  
ՎԵՐԱԿԱՆԳՆՈՂԱԿԱՆ ԾՐԱԳՐԵՐԻ ԻՐԱԿԱՆԱՑՄԱՆ ԿԵՆՏՐՈՆ» ՊԵՏԱԿԱՆ ՈՉ  
ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆԸ ՊԵՏՈՒԹՅԱՆ ԿՈՂՄԻՑ  
ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԿՑՈՒԹՅԱՆ  
ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ ՊԱՅՄԱՆԱԳԻՐ

N ՀՀ ԱԾԸ - ԴԱ - 06

ք. Երևան

«17» փետրվար 2022թ.

Հայաստանի Հանրապետության արդարադատության նախարարությունը (այսուհետ՝ պետական մարմին), ի դեմս գլխավոր քարտուղար Սիրվարդ Գևորգյանի, որը գործում է պետական մարմնի կանոնադրության հիման վրա, մի կողմից, և «Իրավական կրթության և վերականգնողական ծրագրերի իրականացման կենտրոն» պետական ոչ առևտրային կազմակերպությունը (այսուհետ՝ կազմակերպություն), ի դեմս տնօրեն Արտակ Ղուլյանի, որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության կառավարության 2003 թվականի դեկտեմբերի 24-ի «Հայաստանի Հանրապետության պետական բյուջեից իրավաբանական անձանց սուբսիդիաների և դրամաշնորհների հատկացման կարգը հաստատելու մասին» N 1937-Ն որոշումը, «Հայաստանի Հանրապետության 2022 թվականի պետական բյուջեի մասին» Հայաստանի Հանրապետության օրենքը, Հայաստանի Հանրապետության կառավարության 2021 թվականի դեկտեմբերի 23-ի «Հայաստանի Հանրապետության 2022 թվականի պետական բյուջեի կատարումն ապահովող միջոցառումների մասին» N 2121-Ն որոշման հավելված 5-ի 7-րդ աղյուսակը (այսուհետ՝ որոշում), ինչպես նաև Հայաստանի Հանրապետության արդարադատության նախարարի 2022 թվականի փետրվարի 14-ի N 75-Ա և N 77-Ա հրամանները /և այլ իրավական ակտերը/ (այսուհետ՝ հրաման)՝ «Քրեակատարողական ծառայություններ» ծրագրի մաս հանդիսացող «Իրավախախտում կատարած անձանց գեղագիտական դաստիարակության և կրթական ծրագրերի իրականացում» միջոցառման (այսուհետ՝ ծրագիր) իրականացման նպատակով, կնքեցին սույն պայմանագիրը (այսուհետ՝ պայմանագիր)՝ հետևյալի մասին.

## 1. Պայմանագրի առարկան

1.1. Սույն պայմանագրով պետական մարմինը պարտավորվում է ծրագրի իրականացման նպատակով կազմակերպությանը հատկացնել որոշմամբ նախատեսված՝ 34507,4 հազար (երեսունչորս միլիոն հինգ հարյուր յոթ հազար չորս հարյուր) ՀՀ դրամ գումար՝ ներառյալ ավելացված արժեքի հարկը, իսկ կազմակերպությունը պարտավորվում է ծրագիրն իրականացնել հրամանով և սույն պայմանագրով սահմանված կարգով և չափով:

1.2. Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են սույն պայմանագրի N 1 հավելվածում:

## 2. Կողմերի իրավունքները և պարտավորությունները

2.1. Պետական մարմինն իրավունք ունի՝

2.1.1. ցանկացած ժամանակ ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը.

2.1.2. որոշմամբ սահմանված պահանջներին չհամապատասխանելու դեպքում իր հայեցողությամբ սահմանել թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 5.2. կետով նախատեսված տուգանքը.

2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ չի իրականացնելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին.

2.1.4. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2. Կազմակերպությունն իրավունք ունի՝

2.2.1. սույն պայմանագրի 5.1. կետով սահմանված կարգով պետական մարմնից ստանալու որոշմամբ սահմանված՝ ՀՀ պետական բյուջեից հատկացվող գումարը.

2.2.2. պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները:

2.3. Պետական մարմինը պարտավոր է՝

2.3.1. ծրագրով նախատեսված դեպքերում աջակցել կազմակերպությանը.

2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.

2.3.3. իրականացնել ծրագրով նախատեսված այլ աշխատանքներ.

2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 5 աշխատանքային օրվա ընթացքում: Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և սույն պայմանագրի պահանջներին, ապա դրանք ընդունվում են: Ընդ որում, պետական մարմինը հաշվետվությունն ընդունելու դեպքում եռօրյա ժամկետում դրա մասին գրավոր ծանուցում է կազմակերպությանը, այլապես այն համարվում է ընդունված:

2.4. Կազմակերպությունը պարտավոր է՝

2.4.1. իրականացնել ծրագրի շրջանակներում պետական մարմնի կողմից տրամադրված գումարների՝ «Հանրային հատվածի կազմակերպությունների հաշվապահական հաշվառման մասին» Հայաստանի Հանրապետության օրենքի և Հայաստանի Հանրապետության ֆինանսների նախարարի 2014 թվականի հոկտեմբերի 24-ի «Հայաստանի Հանրապետության հանրային հատվածի հաշվապահական հաշվառման ստանդարտը հաստատելու մասին» N725-Ն հրամանին համապատասխան հաշվառում.

2.4.2. պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով.

2.4.3. կատարել պետական մարմնի կողմից բացահայտված թերությունների վերացման նպատակով տրված ցուցումները.

2.4.4. սույն պայմանագրով սահմանված կարգով պետական մարմին ներկայացնել միջոցառումների իրականացման մասին հաշվետվություններ, իսկ ծրագրի ավարտից հետո՝ ամփոփ հաշվետվություն.

2.4.5. սույն պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում.

2.4.6. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները.

2.4.7. ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան.

2.4.8. սույն պայմանագրով նախատեսված միջոցառումների տարեկան արդյունքները պետական մարմնի կողմից ընդունվելուց հետո կազմակերպությունը միջոցառումների իրականացման արդյունքում առաջացած՝ ՀՀ պետական բյուջեից ստացված միջոցների տնտեսումները (խնայողությունները) վերադարձնում է Հայաստանի Հանրապետության պետական բյուջե՝ ոչ ուշ, քան մինչև 2022 թվականի դեկտեմբերի 23-ը:

### **3. Մոնիթորինգը**

3.1. Պետական մարմինը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:

3.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ և կատարվում են առաջարկություններ:

3.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

3.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

### **4. Հաշվետվությունների ներկայացման ժամկետները**

4.1. Կազմակերպությունը յուրաքանչյուր եռամսյակի ավարտից հետո պետական մարմին է ներկայացնում ՀՀ ֆինանսների նախարարի 2013 թվականի փետրվարի 4-ի N 104-Ն հրամանով և ՀՀ ֆինանսների նախարարի 2019 թվականի մարտի 13-ի N 254-Ն հրամանով հաստատված ձևերին համապատասխան կազմված հաշվետվությունները՝ այդ հրամաններով սահմանված ժամկետներում, ինչպես նաև կատարված աշխատանքների վերաբերյալ եռամսյակային և տարեկան ամփոփ հաշվետվություններ:

## **5. Վճարման կարգը և ժամկետները**

5.1. Կազմակերպությանը վճարումները կատարվում են որոշմամբ նախատեսված՝ ծրագրով սահմանված վճարումների կատարման եռամսյակային համամասնություններին համապատասխան՝ ամսական կտրվածքով՝ ոչ ուշ քան հաջորդ ամսվա 10-ը, բացառությամբ դեկտեմբեր ամսվա հասանելիք գումարի, որը կփոխանցվի մինչև դեկտեմբերի 20-ը՝ համաձայն ներկայացված ֆինանսական պարտավորությունների կատարման ժամանակացույցի (հավելված 2):

5.2. Սույն պայմանագրով նախատեսված պարտավորությունների չկատարման կամ ոչ պատշաճ կատարման դեպքում կազմակերպությունը պարտավորվում է պետական մարմին փոխհատուցել չիրականացված միջոցառման չափով և վճարել տուգանք՝ չիրականացված միջոցառման համար նախատեսված գումարի 1 (մեկ) տոկոսի չափով: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից: Պետական մարմինը սույն կետով նախատեսված գումարները հաշվարկում և հաշվանցում է կազմակերպությանը վճարվելիք գումարներից:

## **6. Կողմերի պատասխանատվությունը**

6.1. Սույն պայմանագրով և ծրագրով նախատեսված պարտավորությունների չկատարման կամ ոչ պատշաճ կատարման դեպքում կազմակերպությունը պարտավորվում է պետական մարմին փոխհատուցել չիրականացված միջոցառման չափով և վճարել տուգանք՝ չիրականացված միջոցառման համար նախատեսված գումարի 1 տոկոսի չափով: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից: Պետական մարմինը սույն կետով նախատեսված գումարները հաշվարկում և հաշվանցում է կազմակերպությանը վճարվելիք գումարներից:

## **7. Պայմանագրի գործողության ժամկետը**

7.1. Պայմանագիրն ուժի մեջ է մտնում կողմերի ստորագրման պահից, տարածվում է 2022 թվականի հունվարի 1-ից (ներառյալ) հետո ծագած հարաբերությունների վրա և գործում է մինչև կողմերի ստանձնած պարտավորությունների՝ ամբողջ ծավալով կատարումը:

## **8. Անհաղթահարելի ուժի ազդեցությունը (ՖՈՐՍ-ՄԱԺՈՐ)**

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

## **9. Եզրափակիչ դրույթներ**

9.1. Հայաստանի Հանրապետության կառավարության կողմից հաստատված ծրագիրը

հանդիսանում է սույն պայմանագրի անբաժանելի մասը:

9.2. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.3. Պայմանագիրը կնքվում է երկու օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.4. Պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

### 10. Կողմերի հասցեները, բանկային վավերապայմանները և ստորագրությունները

#### Պետական մարմին՝

«Հայաստանի Հանրապետության  
արդարադատության նախարարության  
աշխատակազմ» պետական  
կառավարչական հիմնարկ  
ք.Երևան, Վ.Սարգսյան 3/8  
ՀՎՀՀ 02506264

ՀՀ ՖՆ աշխատակազմի գործառնական վարչություն  
Հ/Կ 900011194330



Գլխավոր քարտուղար

Ս. Գևորգյան

#### Կազմակերպություն՝

«Իրավական կրթության և վերականգնողական  
ծրագրերի իրականացման կենտրոն» ՊՈԱԿ  
ք.Երևան, Մ. Խորենացու 162ա  
ՀՎՀՀ 02509478

ՀՀ ՖՆ աշխատակազմի գործառնական վարչություն  
Հ/Կ 900018004821



Տնօրեն՝

Ս. Ղուկյան

Մ Ի Ջ Ո Ց Ա Ռ ՈՒ Մ Ն Ե Ր

NN ը/կ	Անվանումը	Համառոտ բովանդակությունը	Կատարման ենթակա գործառույթների նկարագիրը	Այնկալվող արդյունքները և դրանց գնահատման չափանիշները	Վերջնաժամկետը	Պահանջվող գումարը (հազ. դրամ)
1.	Իրավախախտում գեղագիտական դաստիարակության և կրթական ծրագրերի իրականացում	<p>1. Իրավախախտում կատարած անձանց գեղագիտական դաստիարակության և կրթական ծրագրի իրականացումը ներառում է հետևյալ դասընթացները (թեմաները).</p> <ul style="list-style-type: none"> <li>➢ <i>Դեկորատիվ կիրառական արվեստ.</i></li> <li>➢ <i>Համակարգչային հնչույթություններ.</i></li> <li>➢ <i>Էթիկա և հաղորդակցություն.</i></li> <li>➢ <i>Օգտար լեզու՝ անգլերեն/ռուսերեն.</i></li> <li>➢ <i>Հայոց լեզու և խոսքի մշակույթի հիմունքներ.</i></li> <li>➢ <i>Ընդհանրական բնության կանխարգելում/հույզերի կառավարում.</i></li> <li>➢ <i>Արհեստագործական հնչույթություններ:</i></li> </ul> <p>2. Դասընթացներն իրականացվելու են առնվազն 18 խմբով (յուրաքանչյուր խմբում նվազագույնը՝ 2, առավելագույնը՝ 10 մասնակից),</p>	<p>Դատապարտված և կալանավորված անձանց (ներառյալ պրոբացիայի շահառուների) գեղագիտական դաստիարակությանը և կրթությանն ուղղված դասընթացների իրականացում</p>	<p>Արդյունք՝                      Գիտելիքների տրամադրում (փոխանցում), հմտությունների ու կարողությունների զարգացում և գեղագիտական դաստիարակություն:</p> <p>Գնահատման չափանիշներ՝                      1. Ծրագրի (միջոցառման) իրականացումը (վկայական) ստացած մասնակիցների թիվը:                      Ծրագրի ավարտական հավաստագիր տրամադրվում է այն մասնակցին, ով մասնակցել է հրամանով հաստատված և իր կողմից ընտրված մոդուլի ընդհանուր ժամաքանակի առնվազն 75 տոկոսին:                      Եթե մասնակիցը իր կողմից ընտրված մոդուլի մեջ ներառված որևիցե թեմայի շրջանակում մասնակցել է տվյալ թեմայի տևողության</p>	2022 թվականի դեկտեմբերի 23-ը	34507,4

	<p>ընդհանուր առմամբ առնվազն՝ 110 կալանավորված և դատապարտված անձի (ներառյալ պրոբացիայի շահառուների) հաշվարկով:</p> <p>Դասընթացների ընդհանուր տևողությունը ողջ միջոցառման ընթացքում 4320 ակադեմիական ժամ է: Մեկ ակադեմիական ժամի տևողությունը 40 րոպե է:</p> <p>Ծրագրի իրականացումը պետք է սկսվի 2022 թվականի մարտի 1-ից ոչ ուշ:</p> <p>Դասախոսությունները ներառում են թեմայի շրջանակում տեսական և հիմնարար գիտելիքների տրամադրում, իսկ գործնական պարապմունքները՝ գործնական հմտությունների զարգացմանն ուղղված ինտերակտիվ ուսուցում, ինչպես նաև կալանավորված և դատապարտված անձանց (ներառյալ պրոբացիայի շահառուների) անհատական աշխատանքների պատրաստում և ցուցադրություն, ուսումնական կամ փաստավավերագրական ֆիլմերի ցուցադրում և այլն:</p> <p>3. Ծրագիրը (միջոցառումը) պետք է իրականացվի՝ ՀՀ արդարադատության նախարարության քրեկատարողական հիմնարկներում պահվող դատապարտյալների և</p>	<p>առնվազն 75 տոկոսին, ապա նրան տրամադրվում է մասնակցության վկայագիր: Դատապարտված և/կամ կալանավորված անձը (ներառյալ պրոբացիայի շահառուն) դարձրում է ծրագրի մասնակից լինելուց՝ հրամանով հաստատված և իր կողմից ընտրված մոդուլի ընդհանուր ժամաքանակի 25 և ավելի տոկոս անընդմեջ անհարգելի բացակայություն ունենալու դեպքում (բացառությամբ այն անձանց, ովքեր արդեն իսկ մասնակցել են մոդուլի ընդհանուր ժամաքանակի 25 և ավելի տոկոսին):</p> <p>2. Դասընթացների համապատասխանությունը հրամանով հաստատված ծրագրի թեմաներին:</p>	
--	---	--	--

	<p>կալանավորված անձանց համար, ինչպես նաև ՀՀ արդարադատության նախարարության պրոբացիայի ծառայության շահառուների համար: Դասընթացների իրականացման ընթացքում պետք է վարվեն դասընթացների մասնակիցների հաճախելության մատյաններ:</p> <p>4. Դասընթացների իրականացման համար ուսուցանվողներին (ունկնդիրներին) տրամադրվում են անհրաժեշտ ուսումնառական նյութեր և գրենական պիտույքներ:</p>				
--	---	--	--	--	--

**Պետական մարմին՝**

«Հայաստանի Հանրապետության արդարադատության նախարարության աշխատակազմ» պետական կառավարչական հիմնարկ  
 ք. Երևան, Վ. Սարգսյան 3/8  
 ՀՀ ՖՆ 02506264

ՀՀ ՖՆ աշխատակազմի գործառնական վարչություն  
 Հ/Հ 9000119330




Գլխավոր քարտուղար

Ս. Գևորգյան

**Կազմակերպություն՝**

«Իրավական կրթության և վերականգնողական ծրագրերի իրականացման կենտրոն» ՊՈԱԿ  
 ք. Երևան, Մ. Խորենացու 162ա  
 ՀՀ ՖՆ 02509478

ՀՀ ՖՆ աշխատակազմի գործառնական վարչություն  
 Հ/Հ 900018004821



Ս. Ղույան

Տնօրեն՝



**«Իրավախախտում կատարած անձանց գեղագիտական դաստիարակության և կրթական ծրագրերի իրականացում» ծրագրի գծով 2022 թվականի բյուջետային հատկացումների սահմանաքանակների վերաբերյալ ժամանակացույց\***

Ծրագրի միջոցառման անվանումը	Ընդամենը տարեկան	Նախատեսվում է ֆինանսավորել ՀՀ 2022թ. պետական բյուջեից, ընդ որում (*թվերը ներկայացված են ամբողջական կարգով)										Հազար դրամ	
		հունվար	փետրվար	մարտ	ապրիլ	մայիս	հունիս	հուլիս	օգոստ.	սեպտեմբ.	հոկտեմբ.	նոյեմբ.	դեկտեմբ.
Իրավախախտում կատարած անձանց գեղագիտական դաստիարակության և կրթական ծրագրերի իրականացում	34507,4	0	3692,7	7385,5	10809,3	14233,1	17657,0	20734,3	23811,6	26888,9	29428,4	31967,9	34507,4

**Պետական մարմին՝**

«Հայաստանի Հանրապետության արդարադատության նախարարության առևտրական գերատեսչության գրասենյակի Երևանի ք. Երևան, Կ. Մարգարյանի 78 ք. Երևան, ՀՀ»



ՀՀ ՏՆ աշխատակազմի գործառնական վարչություն

Գլխավոր քարտուղար

*[Signature]*  
 Կ.Տ. Ա. Գևորգյան

**Կազմակերպություն՝**

«Իրավական կրթության և վերականգնողական ծրագրերի իրականացման կենտրոն» ՊՈԱԿ ք. Երևան, Ա. Խոյնեացու 162ա ք. Երևան, ՀՀ»

ՀՀ ՏՆ աշխատակազմի գործառնական վարչություն  
 Հ/Հ 900018004821

Տնօրեն՝



Ա. Ղուլյան